


伊犁将军马广奏议

卷之四

伊犁將軍馬廣奏議

卷一 光緒
二十八份



伊犁將軍馬廣奏稿

光緒二十八年
八月至十二月



奴才馬 跪

奏為恭報 鄂接印任事日期並感激下忱叩謝

天恩仰祈

聖鑒事竊 鄂蒙

恩補授伊犁將軍

陛辭出京於本年六月二十四日行抵新疆省城業

經具摺

奏報在案七月十六日由省起程西進八月初七

日行抵伊犁二十日准前任將軍長 派委伊

犂印務章京榮聯軍標中軍副將周玉魁等將
同字第十四號伊犂將軍銀印一顆令箭十二
枝齎送前來當即恭設香案望

闕叩頭祇領任事訖伏念犂漢軍世僕知識庸愚
前在署伊犂鎮提兵任內奉

旨調京馳赴陝西

行在渥荷

天恩簡放密雲副都統旋

擢伊犂將軍一年之間疊承

寵遇受

恩愈重圖報愈難查伊犁地處西陲緊鄰俄境幅員
遼闊種類繁多當茲時局孔艱將軍責任綦重
舉凡整軍經武用人理財外固邦交內綏藩部
興屯牧以圖富庶恤商旅以廣招徠在在均關
緊要才禱昧深懼弗勝惟有隨時隨事矢慎矢
勤以期仰答

高厚鴻慈於萬一所有才接印日期並感激下忱謹
繕摺具陳伏乞

太后

皇上聖鑒謹

皇

奏光緒二十八年八月二十日出奏十七月初二

日奉

硃批知道了欽此

才馬廣跪

奏為預估光緒二十九年分伊犁滿蒙標練各營
旗哨及軍臺卡倫等一切支款實需餉銀數目

懇

恩飭部照案指撥以濟要需恭摺仰祈

聖鑒事竊查伊犁歲需新餉經前將軍色楞 會同

前陝甘提督臣楊昌 前護新疆巡撫臣魏光

奏請每年分撥銀四十萬兩定為常額經戶部覈
定歷年照數估撥在案前屆預估光緒二十九
年分新餉之期前將軍長 因值交卸未及奏
估電請陝甘督臣崧 稟辦努到任因未接准
部覆誠恐請撥逾期於九月初七日電請戶部
代奏請照額定銀四十萬兩之數指撥亦在案
茲准戶部咨令迅速奏估以便彙摺指撥並飭
查照戶部前奏將裁勇節餉辦法專案聲覆等因
奴才等查近年時勢艱難餉源支絀苟有可以裁
減之處自應力求撙節以紓承協省分之力

而省部臣籌撥之難惟伊犁地處極邊強鄰緊
逼從前原定營制已屬地廣兵單近又承准政
務處咨令改練新軍款項尤虞不給飭據糧餉
處查明呈報伊犁滿蒙各營官兵並練軍馬隊
軍標漢隊以及蒙古王公軍臺卡倫喇嘛等應
支俸餉鹽糧馬乾並一切雜支已經奏咨立案
各款歲共需銀四十萬兩有零此外尚有京貲
副都統銜章京等移任關支京職俸廉未折告
休世職各官俸銀孀婦孤女養贍致祭蒙古王
公羊酒等項未能預計各款亦皆由額餉內極

力勻挪支給並未另請撥給支絀情形前於預
估光緒二十八年新餉時業經呈明奏報有案
現查各項支款仍屬如舊所有光緒二十九年
分需用新餉應請仍照原定銀四十萬兩之數
估撥等情呈請具

奏前來

牙馬甫經到任察看情形預為籌度按

現在支款皆係計口授食必所需委實難於驟
裁即將來遵照政務處來咨辦理改練新軍亦
全賴餉需充裕俾士馬得資飽騰始足以固軍
心而支邊局等思維再四惟有徐圖撙節另

案

奏報其光緒二十九年伊犁需用新餉合無仰懇
天恩敕下戶部仍照原案四十萬兩指撥以濟要需
除分咨外理合將預估光緒二十九年分新餉
緣由恭摺具陳伏乞

皇

太后

皇上聖鑒敕部覈議施行謹

奏光緒二十九年正月十一日接到於光緒二十八年十一

月十四日奉

硃批戶部知道欽此

光緒二十八年九月二十五日

再查接管卷內據辦理伊犁滿營事務檔房呈
稱竊查前任伊犁將軍金 於光緒十年初次
規復伊犁滿營制時曾經查照舊制

奏請敕部頒發伊犁駐防惠遠城協領關防八顆
佐領圖記四十顆分交該員等鈐用在案十五
年前任將軍色 遵照部議將挑留錫伯歸

入滿營官兵撥回原營餘存舊滿營官兵分設
左右兩翼編列八旗設協領二員佐領八員十
七年前護將軍富 遵照部議奏准挑留

新滿營分設左右兩翼編列八旗設協領二員

佐領八員均未另請鑄給闕防圖記

奏明即於前項部領闕防圖記內以鑲黃正黃兩旗協領闕防發交舊滿營左右翼協領借用以正白正紅兩旗協領闕防發交新滿營左右翼協領借用以八旗頭牛录佐領圖記分發舊滿營八旗佐領借用以八旗二牛录佐領圖記分發新滿營八旗佐領借用其餘協領闕防四顆佐領之圖記二十四顆均飭交庫封存聲明請俟更換時再行一併繳銷等因於光緒十七年十

二月十三日附

奏奉

硃批該部知道欽此欽遵在案伏思舊新兩滿營營制早經

奏請改設所有舊滿營左右兩翼協領二員佐領八員新滿營左右兩翼協領二員佐領八員現在借用關防圖記均係從前滿營舊制字樣體制均與現在改設舊新兩滿營八旗字樣不合自應呈請奏咨另行更換俾昭信守等情前來奴才等覆查無異相應請

旨敕部換鑄伊犁駐防惠遠城舊滿營左翼協領關

防一顆右翼協領關防一顆八旗佐領圖記八
顆新滿營左翼協領關防一顆右翼協領關防
一顆八旗佐領圖記八顆以昭信守而垂久遠
理合附片具陳伏乞

聖鑒訓示其舊新兩滿營左右兩翼協領八旗佐領
等現在借用並庫存關防圖記一俟換鑄關防
圖記頒發到日再行飭令悉數送部銷燬合併
陳明謹

奏同日奉

硃批禮部知道欽此

奴才馬 廣 跪

奏為俄領事駐伊有年辦事公允守約敦睦克顧
邦交據情籲懇

天恩頒賞寶星以示優異恭摺仰祈

聖鑒事竊維伊犁遠懸邊徼緊接俄境俄國向設領
事官於寧遠城專辦通商事務自光緒八年收
還伊犁後纏回哈薩克此逃彼越混籍不清遇
有事故則聳領事為護符假俄籍以規避以致
大而命搶劫小而錢債婚姻紛至沓來奸詭百
出辦理一切交涉事件固賴中國官負動中機